

經營四方也博伐獫狁于洛之陽據六月詩意彼時獫狁整  
居焦穫侵鎬及方以至于涇陽王師追之遂奔洛而至太原  
故詩于吉甫著其事之始終此于子伯紀其功之一節也昔  
陳倉有石鼓今此盤出自鄆同是紀宣王之盛且其篆文亦  
頗類石鼓使昌黎見之所謂薦諸太廟比郃鼎者殆不是過  
與道光十九年己亥秋日  
蘇軾北文東歐習風人刺西畧  
呂堯僊說案大紀云虢仲虢叔爲文王卿士仲封于西虢叔  
封于東虢路史仲之封爲西虢在岐今鳳翔虢縣東遷之際  
自此之上陽爲南虢矣其處者爲小虢秦滅之盤出寶鷄縣  
虢川司地方與鳳翔相去數十里當爲東遷以前之西虢至  
僖公五年爲晉所滅者卽東遷以後之南虢其地在宏農卽